

բայ շինուած է, 35 անուոր զաղթական թուրք բնակիչ ունի: Սորա հիւսիսն բարձրացած է դաշտիս մէջ կրդ-զիացած Խըժըք—Գաւոյի հովիտը, որ ընդարձակ արտօ-բայք և մարդպետիններ ունի մօտ մի զիւրի քաւշան, սակայն ջուր չունենալով անվար մնացած է և մեծ մասամբ արօտավայր է Հիզան, Քարձոր, Միրանկներ քրդ. զիւղօրէից և Գարա-Քիլիսէի, որոց միջավայրն գտնուած լինելուն:

Այստեղ Շեռեան դարձեալ իւր ընթացք կը շարունակէ արեւելեան հարաւոյ և արեւելքի միջին ուղ-ղութեամբ, ուղղուած դէպի Տամբադ՝ ձախ կողմի վե-րայ թողով Գամիլեան զիւղն, որ 1 ժամ մեր արեւելքն կընկնի:

Մենք մի ժամու չափ խճուղիով ուղղուեցանք արեւելք նաև տակաւ առ տակաւ Շեռեանէն հեռացանք, Գամիլեանայ ուղղութեան վերայ, որև Խըժըք Գաւոյի վերջաւորութիւնն է. դարձանք դէպի Գարա—Քիլիսէ որ ուղղակի մէկ ժամ մեր արեւելեան հիւսիսն է:

Գամիլեան Խճուղւոյն աջ կողմն և Շեռեանայ ձախ կողմն մի զիւղ է 30 տուն, որք Թերեքեմէ թուրքերէ կազմուած են: Գիւղս կը սլատկանի Գարա-Քիլիսէի վի-ճակին:

Մենք Ալաշկերտի դաշտի հիւսիսային և հարաւա-յին զիւղերն նկարագրեցինք. այժմ կը դառնամք դաշտի միջավայրն գտնուած քանի զիւղօրէից վերայ խօսիլ:

